

^q *Arist. H. A.* quenter, in eademque ⁷ capiuntur; ^{l. 5. c. 10.} et diu, quod parvas branchias habeant, parum aquae admittant, nec multum refrigerii desiderent, vivunt.

Cibus ipsis caro, ideo in petris quae Channis, et Patellis plenae domicilium. Nec ab humana abstinent. Cujus ^{*} rei gnarus Veditius Pollio, Eques Romanus, et ex amicis Augusti, invenit in hoc animali documenta saevitiae, vivariis earum immergens damnata servitia, non tanquam ad hoc feris terrarum non sufficientibus, sed quia in alio genere totum pariter hominem distrahi spectare non poterat. Cum rabie agitantur, saevissime persequuntur squamosos; ita vero morfu valent, ut partem nisi tota amputetur, ab ea liberari posse neget, Rondeletius. In Sicilia ^{*} in summa aqua prae pinguedine fluitant. Unde manu capi muraenas flutas Papirius apud Varonem prodidit.

^q *Macrobi.*
Saturnal.
^{l. 2. c. 11.}

^r *Plin. H. N.* De Muraenae cum vipera congressu a multis ⁷ sparsa opinio. Muraena inquit libidinis impetu plena, latibulum viperae intrat. Vipera mas stimulis concitata ad mare accedit, et sibilo edito amatam evocat; sic ambo invicem colligantur. Fallitatem si discrepantia (alii marem cum vipera foemina congregi, alii foeminam cum vipera mare produnt) non ostendit, at certe illud, quod Nicander famae, Plinius et Aelianus vulgo eam tribuant. Andreas ¹ apud Athenaeum, quod vipera nemorum secreta amet; nec a quoquam id observatum esse, vel piscatore vel littorum, ubi frequentes muraene, accola, neget, ostendere potest. Coeunt autem more ² serpentum, et ova parva, eaque ³ *ψαδύγα* seu arenacea, numerosa ^{*} et quocunque tandem tempore pariunt. ⁴ Muraenulae recens prognatae, celeriter adolescunt incremento.

^t *Arist. H. A.* ^{l. 5. c. 10.} ^u *Arist. H. A.* ^{l. 5. c. 4.} ^v *Idem l. 3.* ^{c. 10.}

^y *Plin. H. N.* ^{l. 8. c. 15.} Latitant ⁷ hyberno tempore, quo, paucos dies si excipias, non capiuntur. Quia ^z pinnis carent, flexuoso corporis impulsu moventur.

Ad Ingenium et Mores pertinet, quod, e vivariis ^a egressae piscatores adoriri, et e navibus in mare pronos

deicere; reti circumdatae ^b maculas appetere ipsas, consciae teretis ac lubrici tergi, cum multiplici flexu laxari donec evadant; ut haesere in hanc amplius devorare quam hamum, admoveereque dentibus lineas, atque ita erodere; infixas hamo, quod sint cultellato dorso, sese invertere; cauda ictas, celerrime exanimari, capite ictas difficulter, unde animam in cauda habere certum ^c Plinio concentu et tintinnabulis, quod ex fabula de viperae sibilo natum esse credo, a piscatoribus evocari; dicuntur. Docilitatis argumentum, L. Crassi, qui cum Cn. Domitio Cenfor fuit, Muraena Inauribus et gemmis distincto monili ornata, tanquam eximiae pulchritudinis puella, vocem Crassi cognoscebat, ad eum adnatabat, et porrecta cum gaudio accipiebat; in piscina mortuam, atratus tanquam filiam luxit. Idem de Antonii Drusi in villa apud Baucilos, in parte Bajana, Muraena, dicitur.

Antipathiam ipsarum cum Locusta, Polypo, Ozena, Congro, Aceto, et Ferula notarunt authores.

^e Vincuntur a locustis. Ad carnes ^f Polyporum Ozaenarum ^g inprimis praeproperae feruntur. Pugnas Aelianus descripsit; addidit Kiranides incredibile, evanescere Muraenam, si cum Locusta coquatur. Cum Congro saepissime congressam Puteolis, spectavit Perottus. Aceti gustu praecipue ^h in rabiem aguntur. Licinius ⁱ Macer pinguescere jactatu, (alias lactatu) fuisse non interimi, easdem ferula protinus, prodidit. Mirum quod ex ^j Aeliano habemus, cum plagam unam acceperit torpescens persistere; fin plures inferas, funditus ira accendi.

Summis olim apud Romanos fuisse in deliciis, seu ut gulae irritamenta, seu quod diutissime et magna copia in vivariis servari possent; vel unus C. Hirrius duodena ^k milia sestertia, ipsis alendis infumabat, et uno tempore Caesari vim Muraenarum mutuo dedisse in pondus dicitur; nam permutare pretio vel alia merce noluit.